

救世後一千九百三十四年印

經文簡集

北平主教滿准

北平西什庫天主堂遣使會印書館排印

✿ 吁瑪利亞無原罪之始胎 ✿



祈等我為 后之和安

✿ 我等奔爾臺前為我等祈 ✿

弁言

吾人在世。肉身必須飲食以養之。不然則死亡。誦經祈主靈魂之日用糧也。豈可廢哉。而新奉教者。於尋常恒誦之經。多所不知。雖聖教有總牘經本。既難全學。又多無力置買。余茲特將常誦經言。擇其更要者。訂爲小本。名曰經文簡集。篤既無多。價更從廉。無人可推爲不能置買矣。其無總牘經者。買此小本。學習經言。勤行虔誦。以養靈魂。而收神益可也。

北平主教林達尼老 題

--	--	--

經文簡集目錄

彌撒公經

定心祝文

見一張

求恩祝文

見二張

欽敬聖體仁愛經

見三張

鐸德捧聖體時誦

領聖體時誦

已領聖體祝文

見四張

敬拜經

見五張

愛心經

感謝經

見六張

彌撒後求免時難經

見七張

向聖彌陀爾誦

求爲中國及蒙古歸化誦

見八張

祈求聖教大行祝文

見九張

謝聖體經

領聖體後誦

見十張

求神赦誦

全赦經

見十二張

耶穌聖名禱文

見十五張

向天主耶穌誦

見二十四張

向耶穌聖名誦

見二十五張

聖母德敘禱文

見二十七張

向聖母瑪利亞誦

見三十四張

奉事聖母經

見三十五張

拜求聖母爲死候經

見三十六張

求聖母救急難祝文

見三十八張

求聖母轉求加恩經

見三十九張

向聖母託付經

見四十張

託賴聖母經

見四十一張

向護守天神誦

見四十二張

聖若瑟禱文

見四十三張

向聖若瑟誦

見四十八張

求聖若瑟爲中國大主保祝文

見四十九張

求聖若瑟為本身每日主保祝文 向聖若瑟誦 見五十張

求天主賜佑誦 見五十二張

感謝天主誦 見五十三張

求免患難誦 求豐年誦 見五十四張

求為傳教誦 見五十五張

求為在生父母親友恩人誦 向本名聖人誦 見五十六張

向聖味增爵誦 見五十七張

向真福若翰嘉俾爾祝文 求為在教適亡誦 見五十八張

求為在教已亡父母親友恩人誦 見五十九張

求為凡諸信者靈魂誦 見六十張

✿ 彌撒公經 ✿

定心祝文

至慈之大父。共慰之天主。至恕至寬。令惟一聖子。爲救我衆。釘於十字架上。又垂諭以所獻天主。最重之禮。每日復行於聖教會。增益我力。於惟此禮。高厚淵微。能闡主愛。能保我等於真福。伏惟祐我有事者。專心致敬。庶於如是洪恩。定受其賜。爲我等主。基利斯督。亞孟。

求恩祝文

罪人罪大惡極。無可奉獻聖父。願仰藉吾主耶穌聖體聖血功勞。以獻天主聖父。罪人罪大惡極。無可奉獻耶穌。願仰藉聖母瑪利亞功行苦勞。以獻吾主耶穌。罪人罪大惡極。無可奉獻聖神。願仰藉諸聖熱愛衷情。以獻天主聖神。罪人專懇耶穌聖母。及諸聖人。同祈天主。加佑當今教化皇_某。及天下諸聖教會。教化衍盛。異端消滅。人民清泰。國土安靖。未奉教者。普賜進教事主。已奉教者。普賜遵教立功。在煉獄者。普

賜赦罪升天。遭苦難者。普賜平安得所。罪人過惡深重。未敢瑣瀆真主。總仰藉天上諸功。普世諸功。獻主臺前。求主蚤擴聖教。速救萬民。赦我等罪過。拔我等罪根。除我等偏情。加我等力量。守誠行善。以致死後救我等靈魂升天。允我等祈求。滿所冀願。 亞孟。

欽敬聖體仁愛經

至慈吾主耶穌基利斯督。自甘受傷傾血。釘死在十字架上。爲救贖衆罪。又永留聖體大祭。養人靈。醫人心。更顯其愛於無窮極。罪人_某感受如是鴻恩。痛悔

往愆。大發心願。將我形神。盡獻吾主。時時欽敬。思慕
聖體。懇賜恩佑。改過。堅定我心。令我以毫釐仁愛。報
主無窮仁愛。得至善終。享天上仁主。永遠真福。亞孟。

鐸德捧聖體時誦

卑污罪人。辱主降臨我心。曷以當之。伏惟吾主。特降
一命。我心諸疾。必全愈矣。

領聖體時誦

祈望耶穌靈魂聖我。耶穌聖體救我。耶穌聖血淨我。

己領聖體祝文

我謝天主。我感天主。今日臨我胸中。比死後援我升天。厥恩更親。厥功更大。我今永時永日永歲。常憶天主救贖之奇愛。常思聖母敬供之隆情。常如三王來朝之盛禮。周日存想。一生不變。庶得天主常存我心。常持我口。常保我身。 亞孟。

敬拜經

吾主耶穌。以爾聖身。降我心中。我今俯伏恭向敬拜爾恩。欽崇爾德。深謝爾以全能變化。永留聖體大祭於人間。俾我等常荷神佑。卽合天朝神聖。天下人民。

亦難報於萬一。懇求吾主耶穌。恕我卑賤。補我虧缺。令我時發熱愛。仰慕天上光榮。讚揚我主無對之尊。
亞孟。

愛心經

吾主耶穌。以爾聖軀寶血。願作我等神糧。耶穌聖心。愛我至切。我今以愛還愛。以心體心。以後定志改遷。遵守規誡。補贖所犯罪過。至死不敢負恩負愛。懇求吾主耶穌。賜我熱愛之火。以熱我心。
亞孟。

感謝經

吾主耶穌。生我養我。救贖於我。今復斂其光榮。以爾尊貴之體。降臨我極污心中。生活我之靈魂。我實感恩無盡。願同天下萬民。稱頌吾主之洪恩。 亞孟。

彌撒後求免時難經 聖母經三遍申爾福一遍

請衆同禱。天主我等之護衛。我等之神力。俯聽爾聖教會虔切之祈禱。並因極榮無染原罪始胎。天主聖母童貞瑪利亞。及大聖若瑟。與爾宗徒聖伯多祿聖保祿。及諸聖人之轉達。懇賜我等。俾能實獲在此諸難中。所謙求之惠。爲我等主耶穌基利斯督。 亞孟。

向聖彌厄爾誦

聖彌厄爾。總領天神。獲我等於仇敵。助佑我等。以勝惡魔之計。懇祈天主。命魔遠退。爾大天神。天軍之帥。以主神力。將娑殫及遊行於世。以害人靈之惡魔。盡驅入於地獄。亞孟。

求爲中國及蒙古歸化誦

吾主耶穌基利斯督。人類惟一救世者。爾之統御。已達於四海。及川流所至。懇祈開爾至聖慈心。憐念中國及蒙古。尙在死亡幽暗中。可憫之輩。賴爾至仁。無

染原罪之母。童貞瑪利亞。及聖方濟各沙勿畧之轉達。俾皆捨棄邪神。歸入爾之聖教會。欽奉爾爲真主。乃生乃王世世。亞孟。天主經聖母經聖三光榮頌各一遍

祈求聖教大行祝文

請衆同禱。無始無終。肇造萬物。全能者天主。憐念教外靈魂。皆爾化成。依似爾像。吁吾主天主。於此靈魂。地獄恒滿。深辱爾名。我等專心祈爾。望爾。念爾極愛之子耶穌。爲救彼靈魂。受萬苦萬難。被釘十字架死。嗚呼。懇祈天主。併念卒世童貞聖母瑪利亞。及天朝

諸聖人聖女。祝禱勲勞。特仰爾仁慈。赦教外之人。背爾教。違爾命。毀爾言。妄爾恩者。種種多罪。望主垂憫寬赦。令彼改惡遷善。認識造世贖世。無始無終之大恩主。乃可望獲承耶穌基利斯督。所許洪錫。 亞孟。



謝聖體經



領聖體後誦

至仁至慈天主。我受主無極恩惠。無可稱謝我重罪多惡。思行言爲。無不得罪。身神污穢。主不但不罰我。

更寬裕待我。肫切動我。悔恨前愆。改遷無怠。更忘我罪。容我近主。領主聖體。令我神內。得懷上天下地。無比珍美。主在世時。凡誠心近主。無不取益適願。有罪者被化。改惡遷善。病者獲愈。憂者獲慰。苦者獲安。愚者獲明。今蒙主仁慈。得我罪之赦。我病之愈。我憂之慰。我苦之安。我愚之明。主在我心。爲我心主。求主常居勿棄我。以主聖意爲我心志。庶恒懷主。須臾不離。善生安死。偕主享主。至於無窮。亞孟。

感謝吾主耶穌。無價眞寶神糧。賜助神力。免陷罪惡。

易走天堂之路。

求神赦誦

永頌光顯。德能榮福。於凡受造之物。願歸至聖不可分之聖三。及耶穌基利斯督我等主。被釘十字架之人性。與至聖至榮童貞聖母生育之胎。及天上一切天神聖人。我等望得諸罪之赦世世。亞孟。

全赦經

凡人領聖體後在苦像前虔誦此經教宗比約第七位准得全赦

吁。至慈善極甘飴之耶穌。我今跪伏爾前。我靈最熱最切。祈求爾。望爾將堅信切望熱愛之真情。及悲切

痛悔我罪。定志悛改之實意。銘刻我心。而我心極切



極痛。默思仰望
爾五傷之時。我
念即達味聖王
口中論爾之預
言。斯衆鑽吾手。
穿我足。數我諸
骸骨。亞孟。

念天主經聖母經聖三光榮頌各七遍

--	--	--

✠ 耶穌聖名禱文

✠

凡念各禱文在通功時具應
一人啟或二人啟衆人皆應

啟 天主矜憐我等。

應 基利斯督矜憐我等。

天主矜憐我等。

啟 耶穌俯聽我等。

應 耶穌垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

啟耶穌真天主子者。

應矜憐我等。

耶穌聖父之光美者。

耶穌永光之耀者。

耶穌榮福之帝者。

耶穌義德之日者。

耶穌童貞瑪利亞之子者。

耶穌宜愛者。

耶穌奇妙者。

耶穌至毅之天主者。

啟耶穌後世之父者。

應矜憐我等。

耶穌宏謀之宗師者。

耶穌至能者。

耶穌極忍耐者。

耶穌極聽命者。

耶穌良善而心謙者。

耶穌愛潔德者。

耶穌極愛吾人者。

耶穌安和之主者。

啟耶穌常生之源者。

應矜憐我等。

耶穌諸德之表者。

耶穌最熱切救人靈魂者。

耶穌吾天主者。

耶穌我等庇佑者。

耶穌貧窮之父者。

耶穌諸信者之珍寶者。

耶穌善牧者。

耶穌真光者。

啟 耶穌永遠上智者。

應矜憐我等。

耶穌無窮善德者。

耶穌吾儕之眞道吾儕之生活者。

耶穌天神之樂者。

耶穌古祖之皇者。

耶穌宗徒之師者。

耶穌聖史之明師者。

耶穌諸致命之毅者。

耶穌諸精修之光者。

啟耶穌諸童身之潔德者。

應矜憐我等。

耶穌諸聖人之冠者。

啟望耶穌垂憐。

應耶穌赦我等。

望耶穌垂憐。

耶穌允我等。

於諸凶惡。

耶穌救我等。

於諸罪過。

於主義怒。

於魔隱計。

於邪淫之魔。

敢於永死。

應耶穌救我等。

於怠惰疏忽主提佑。

爲主降生之奧理。

爲主聖誕。

爲主聖嬰時。

爲主平居生活顯聖性之奧。

爲主諸苦勞。

爲主憂悶至死及主受難。

爲主十字架及被棄之苦。

啟爲主患難。

應耶穌救我等。

爲主死且葬。

爲主聖復活。

爲主靈奇之升天。

爲主忻樂。

爲主榮福。

啟除免世罪天主羔羊者。

應耶穌赦我等。

除免世罪天主羔羊者。

耶穌允我等。

除免世罪天主羔羊者。

耶穌憐我等。

啟耶穌俯聽我等。

應耶穌垂允我等。

請衆同禱。吾主耶穌。基利斯督。爾昔有言曰。人求則受。人尋則得。人叩門則開。今求主賜我。爾至聖愛之情。使我等能以心以口以行愛慕爾。及時刻不斷讚揚爾。爲爾偕罷德肋。偕斯彼利多三多。惟一天主。乃生乃王。世世。亞孟。

請衆同禱。天主既俾教衆。愛慕耶穌基利斯督。爾子我主之聖名。併俾魔畏聖名。懇主賜誠敬聖名者。

存獲安寧。歿享永福於天。爲吾主耶穌基利斯督。

亞孟。

教宗良第十三位於一千八百八十六年恩准熱心念此禱文者每次能得三百天大赦

向天主耶穌誦

吾主耶穌。我何時能順主命。翕合主旨。捐離世物。專心事主。我雖微賤罪污。望主仁慈寬容。主若遺棄。疇爲怙籲。熒熒無告。疇爲矜恤。主真我父。主真我母。爲我釘死十字架上。償贖我罪。求主賜我遷改。垂愛憫存。賜以聖寵。加益神力。勤修不怠。臨死援我升天。享無窮福。

吾主耶穌。至聖至慈。俯憐聖教中人。或背聖道。懇主
默導。開其心目。轉認真主。惟一無二。或我父母昆弟
親友恩人。凡疾痛窘困。及被擄者。求主憐庇。並賜煉
靈滅苦。速赦升天。亦爲主聖血寶死。普救若衆。亞孟。

向耶穌聖名誦

自立耶穌聖名瞻禮至聖母獻耶
穌於主堂瞻禮內每日虔誦此經

耶穌全能天主之聖號。世人不能想及爾。惟至智天
主自己稱爾。命天神語聖母瑪利亞。我乃世人。幸得
知爾名深意。聞爾美音。享爾大德。乃爾爲吾主天主。
第二位降生爲人之尊號。明表其降生受苦。救贖世

人。莫大恩功。今我見爾聽爾。念及吾主無數恩功。又深玩爾意。追思天主脫我於魔鬼。脫我於本罪。耶穌贖人之耶穌。求爾真爲我之耶穌。脫我於三讐。不許我中他計謀。得罪於爾。耶穌救世之耶穌。求爾爲我仰望之耶穌。救我於患難。救我於凶惡。 亞孟。

✠ 聖母德敘禱文 ✠

啟天主矜憐我等。

應基利斯督矜憐我等。

天主矜憐我等。

啟基利斯督俯聽我等。

應基利斯督垂允我等。

啟在天天主父者。

應矜憐我等。

贖世天主子者。

聖神天主者。

三位一體天主者。

啟 聖瑪利亞。

應 爲我等祈。

天主聖母。

童身之聖童身者。

基利斯督之母。

天主寵愛之母。

至潔之母。

至貞之母。

無損者母。

無玷者母。

啟可愛者母。

應爲我等祈。

可奇者母。

善導之母。

造物之母。

救世之母。

極智者貞女。

可敬者貞女。

可頌者貞女。

大能者貞女。

啟寬仁者貞女。

應為我等祈。

大忠者貞女。

義德之鏡。

人對聖母可鑑純義全德之妙又可反己之肖否故稱之

上智之座。

上智屬天主第二位費畧聖母受費畧降孕故稱之

吾樂之緣。

妙神之器。

可崇之器。

聖情大器。

立義玫瑰。

玫瑰為萬花之美聖母女中為讚美又玫瑰生棘刺之中潤滑無刺聖母生罪人之中純聖無罪故稱之

達味敵樓。

達味古聖王也造堅固高臺敵不能近聖母天主造之爲吾人之恃可避三仇

應爲我等祈。

象牙寶塔。

象牙取其堅純寶塔取其超美因聖母心純志堅全體光輝發越故稱之

黃金之殿。

結約之匱。

古教人受天主銘石諭誠降味賜糧主命於匱藏誠存味爲賞報永約之表爲吾神味故稱之

上天之門。

曉明之星。

病人之痊。

罪人之托。

憂苦之慰。

啟進教之佑。

應爲我等祈。

諸天神之后。

諸聖祖之后。

諸先知之后。

諸宗徒之后。

諸爲義致命之后。

諸精修之后。

諸童身之后。

諸聖人之后。

啟無染原罪始胎之后。

爲我等祈。

至聖玫瑰之后。

安和之后。

啟除免世罪天主羔羊者。

應主赦我等。

除免世罪天主羔羊者。

主允我等。

除免世罪天主羔羊者。

主憐我等。

羔羊本性馴良至死不鳴古時天主命人用此定爲祭禮因耶穌至慈不惜爲人致死自獻於天主罷德肋故借羔羊稱之

啟天神來報聖母瑪利亞。

應乃因斯彼利多三多受孕。

請衆同禱。懇祈天主。以爾聖寵。賦於我等靈魂。俾我凡由天神之報。已知爾子耶穌降孕者。因其苦難。及其十字聖架。幸迨於復生之榮福。亦爲是我等主。基利斯督。亞孟。

天主洪佑。永與我等偕焉。亞孟。

向聖母瑪利亞誦

聖母瑪利亞。自未有天地。主預簡爲母。從始胎時。已備大福德。遠超神聖。主特寵異。靈性懿德。平生言行。聖善克修。思念純粹。明理積衷。光輝表著。非煩學習。

漸成。誠信堅望。熱愛天主。翕合聖意。毫不相離。卒世
童貞。矢志獨先。開前軼後。無可與擬。專務修德者。瞻
仰聖母。依爲法式。放恣於惡者。思及聖母。莫不轉悔。
聖母爲孤獨無告之托。雖至潔。不棄污者。雖全善。不
絕惡者。寬裕聽求。轉達天主。賜之神力。以能轉潔遷
善。我今恃聖母仁慈。哀號懇求。勿據罪棄我。使我沒
世。奉事吾天主聖母。愛敬恩保。如我慈母。 亞孟。

奉事聖母經

三弟西瑪。卒世童貞聖母瑪利亞。我某重大罪人。弗

敢呼爲主母僕役。又不敢侍立聖座前。惟恃主母仁慈裕容。乃敢恪恭奉事。特祈護守天神。暨天朝聖人聖女。鑒我愚誠。代我敬懇慈母。爲我恩保。導引我等。自今而後。永遠虔恭。無間無畫。望恩保主母至聖瑪利亞。爲聖子寶血。許我常與主母所愛之衆。迪我動靜咸宜。又爲轉求吾主耶穌。扶佑我。凡思言行。永不獲罪。迨我終時。挈我神魂。得瞻聖子全美聖容。及我主母聖顏。亞孟。

拜求聖母爲死候經

天主母。至聖瑪利亞。天主罷德肋全能。升爾於崇尊之位。使爾權能。遠超於諸聖人。高出諸天神。我所以甚喜。併請求聖母。於我死候。抑壓我仇讐之強力。

念聖母經一遍二遍做此

天主母。至聖瑪利亞。天主費畧全知。充滿爾絕聖之靈魂。以最博學。廣識明智。使融通三位一體。極深奧之密事。踰於諸天神。又與以絕大之光輝。上照天國。下耀遍地。我所以甚喜。併請求聖母。於我死候。照臨我靈魂。以聖信之耀。免被誑於不知之謬。

天主母。至聖瑪利亞。天主斯彼利多。三多全善。充滿爾絕聖之靈魂。以神寵聖愛之美味。使爾甘飴。溫和仁慈。遠踰諸物。我所以甚喜。併請求聖母。於我死候。賜聖愛之甘味。使我死時痛苦。盡變甘飴。

此經乃聖母所親授誨於王聖女默第而德云。凡有守十誠之好人。專一純心。誦念此經。至死不絕。其人將終。我來接其靈魂。送於我子天堂。同享常生。蓋此經一則令人認一天主三位。乃聖教中首一大事。一則令人讚美天主聖母。一則令人懇求安死善終。最要緊之事故。最爲有益。不可不日日誦也。

求聖母救急難祝文

天主聖母。今我罪人。託居陰庇之下。幸勿嫌所求者。凡遇急難。與諸危險之中。救援吾人。卒世童貞哉。極

榮哉。極殊福哉。念天主經聖母經各一遍。

求聖母轉求加恩經

聖母瑪利亞。吾慈母。吾恩母。憐憫我罪人某。罪大惡極。種種泣訴。莫能數紀。每經迴思。背負天主無窮大恩。甚覺刺心。自今深悔痛改。猶恐昏昧軟弱。復蹈往愆。懇祈聖母轉求天主。啟我明悟。悉奧妙之理。提我畏懼。動真全之悔。發我熱情。增信心之愛。堅我忍耐。樂世遇之苦。並祈止我貪味。正我志慮。賜我聖寵。加我力量。遠棄罪愆。緣引勤修補贖神工。思言行爲。一

切哀告所未及者。統希保全。得至善終。聖母雖至潔。不棄污者。雖全善。不絕惡者。萬世萬國。賴爲主保。我雖罪惡。專恃聖母仁慈。猶望寵照。令我時時尊親。聖容起敬。起愛。恩准祈禱。護佑靡窮。脫免永殃。獲升天國。享見聖三光榮。如我所願。 亞孟。

向聖母託付經

吾主后。聖母瑪利亞。我自今日。至於死候。託爾我命。付爾我靈魂。寄爾我身。求我慈母。日垂顧我。時降守我。刻來護我。又託付爾。以我諸望。以我諸慰。諸樂。以

我諸艱諸難。諸急諸困。及我一生至終。念我所作所爲。所思所想。所願所慮。所談所論。由爾請求。承爾神功。皆合爾旨。如爾聖子。亞孟。

託賴聖母經

吁。至仁童貞瑪利亞。求爾記憶。自生民以來。未聞有求爾護衛。望爾助佑。祈爾轉達。而被棄絕者。今我罪人。懷此倚靠之心。趨赴童身之母臺前。歎泣侍立爾側。懇求聖子之母。勿棄吾言。俯聽允諾。亞孟。

向護守天神誦

極尊天地大君神使者。從我入世至今。與我偕。須臾
不離。教我善。懲我惡。抑鎮邪魔。使不得施計。迷害於
我。我行爾指我路。我怠爾策我勤。我憂爾慰我心。我
立神功。爾獻於天主。我常得罪。爾爲求赦。我今追思
以往。屢忘爾恩。不聽爾教。不戒爾懲。我今深悔苦痛。
定心立志。以後感謝爾恩。恭敬爾陪。體懷爾情。聽遵
爾教。勉力爲善。再不爲惡。不致爾憂。懇求勿棄絕我。
寬裕教我。使我行善。以至升天。同享永樂。 亞孟。

✠ 聖若瑟禱文 ✠

啟天主矜憐我等。

應基利斯督矜憐我等。

天主矜憐我等。

啟基利斯督俯聽我等。

應基利斯督垂允我等。

啟在天主父者。

應矜憐我等。

贖世天主子者。

聖神天主者。

三位一體天主者。

啟聖瑪利亞。

應爲我等祈。

聖若瑟。

若瑟達味之名裔。

古聖祖之光輝。

天主聖母之淨配。

童貞聖母清潔之護衛。

鞠養天主子者。

勤衛基利斯督者。

聖家之尊長。

啟若瑟極義者。

應爲我等祈。

若瑟至潔者。

若瑟極智者。

若瑟極勇者。

若瑟極聽命者。

若瑟極忠信者。

忍耐之明鏡。

鐘愛神貧者。

藝人之表率。

啟家居之徽美。

應爲我等祈。

童貞者之保護。

室家之砥柱。

苦者之安慰。

病者之仰望。

臨終者之主保。

邪魔之驚懼。

聖爾公會之保障。

啟除免世罪天主羔羊者。

應主赦我等。

除免世罪天主羔羊者。

主允我等。

除免世罪天主羔羊者。

主憐我等。

啟天主特立之家臣。

應掌其一切所有者。

請衆同禱。天主因爾無可名言之照顧。特簡真福若瑟。爲爾聖母之淨配。懇賜我等。在世敬彼爲主保者。得其在天之轉達。乃爾偕罷德肋。及斯彼利多。多。惟一天主。乃生乃王世世。亞孟。

請衆同禱。至能至仁者天主。惟主預簡義人達味。

之裔聖若瑟。爲童貞聖母瑪利亞之淨配。復選伊爲
鞠養耶穌者。祈主爲彼勳勞。俾聖而公會。樂享太平。
併賜我等。咸受永照之安慰。 亞孟。

伏望吾主。荷蒙至聖母淨配之功績。翼衛我等。吾力
所不能。惟賴其轉達。莫不允獲。乃爾與天主罷德肋。
及天主斯彼利多三多。爲一天主。乃生乃王世世。
亞孟。

向聖若瑟誦

至聖耶穌之父聖若瑟。爾乃是天主所選。爲照顧聖

母童身之貞。看守聖三之寶殿。而恩受天主默示。降生奧妙之事情。在世之時。鞠養萬物大主。今爾在天國。登高品。而享無窮之福。念天主經聖母經聖三光榮頌各一遍。

求聖若瑟爲中國大主保祝文

虔恭求爾。爲我等轉達於爾所愛之子耶穌。赦我等罪。又求爾爲中國主保。轉求天主。憐視中國未奉教人。開其心。明其目。使反邪歸正。能知信望愛之德。通國欽崇。聖教大行。不致邪魔誘惑。及至死後。同升天國。共享眞福。 亞孟。

求聖若瑟爲本身每日主保祝文

至聖若瑟。膳養吾主耶穌之父。又極淨聖母瑪利亞之配。我今日求爾於天主前。作我主保。噫。惟爾爲我主保中。首先所敬仰者。求爾今日。收我爲爾之門下。保護我於患難之中。不離我於臨終之時。 亞孟。

向聖若瑟誦 玫瑰聖月內日誦此經

吁。眞福者大聖若瑟。我等在患難中。特來投爾。既求爾至聖淨配助佑之後。亦以堅切之望。求爾爲我等之主保。以爾得配無染原罪童女。天主聖母。互相之

潔愛。又因爾如慈父。愛護耶穌聖童之愛。懇切求爾。
慈顧耶穌基利斯督。以寶血所贖之遺業。且以大德
大能。濟佑我等急難。聖家極智之護衛。求爾保護耶
穌基利斯督。特簡之後裔。極愛之父哉。勿許我沾染
異端敗俗之惡疫。我等勇毅之帥。我與暗冥惡魔。戰
於此世。求爾從天助我之勇。爾昔曾救耶穌聖童於
失命之大險。今求護救天主聖而公會。於仇讐之計。
及諸災患。又求爾作我每人之主保。時時保護。賴爾
助佑。效爾善生安死。得獲天上永福。 亞孟。

求天主賜佑誦

吾主天主。昔有言曰。人求我與。人求見我。見。人呼我。我啟納。此主自招我。我如何不信。世人雖富。多施必乏。惟主海洪。永長充滿。恒與不竭。主惟富有。多藏嘉美。衆求不厭。惟樂與人。人若求主。讚美稱頌。主賜恩佑。凡人遇難。專心呼主。主輒申救。我今求主。寬赦我罪。賜我真切哀悔。俾神魂清潔。可受主寵。專心奉事。尊~~極~~讚頌。並賜我能謙忍順命。愛人如己。吾主天主。聽我微僕籲禱。乞垂矜憫。佑我在世。屏絕愆尤。凡思

言行。皆遵主旨。後日。援我升天。見主聖容。受樂無窮。
亞孟。

感謝天主誦

吾主天主。造我肉軀。賦我神魂。且先造有天地覆載。
我。日月照臨我。發生萬物。養育我。遣令天神護守我。
我有罪惡。降生受苦。受難救贖我。建立洗解聖體。赦
宥我。我受如是洪恩。時時切念。感謝難言。但恨我昏
愚柔懦。每爲魔役。弗能報主於萬一。懇求自今而後。
開導扶翼。俾我棄絕世榮。趨赴天路。三司五官。全獻

吾主。卽至捐軀隕命。情甘忍受。斷不敢背忘生養救贖。無窮之大恩主。 亞孟。

求免患難誦

無始無終。全能者天主。因我有罪。降此災難。以懲干違聖命。我追思往非。甚畏主怒。理應加刑。仰主無限仁慈。懇求霽威。寬宥於我。我今痛悔前愆。立志以後。改惡遷善。 亞孟。

求豐年誦

天主親諭吾儕。求日用之糧。我今遵奉聖命。懇切求

主。生存大地百穀。使我微僕。藉以餬口。庶不慮肉身之需。專務神功。一心事主。 亞孟。

求爲傳教誦

吾主天主。生我贖我。無極洪恩。我從邪干罪。賴主慈憫。命司鐸傳教。使我認識大主。領聖水。滌除往罪。主知我力弱怠惰。易犯誡命。復令神父持我弱策。我怠解我罪。訓我立功補愆。我今求主。加佑神父。賜之康寧。睿智。明徹主旨。洪敷主慈。使我恪遵教規。持守善終。隨我神父。藉其功德。偕享永福。 亞孟。

求爲在生父母親友恩人誦

仁慈天主。命我報德感恩。愛敬父母親友恩人。我乃
微末。無涓埃仰報之能。祈主佑我。補我虧缺。承行主
命。求主聖寵。賜我父母親友恩人。在世行善。形體康
泰。靈神潔淨。以致身後。獲享天上永福全報。 亞孟。

向本名聖人誦

在天上。享德義充滿之福。聖人某聖名我雖罪惡。幸領
洗之時。得爾聖名。追思爾往日德義聖功。使我勉力
步趨。望代求天主臺前。加我神能。踐效爾跡。凡思欲

靜動言爲。以爾爲法。以至死後。同爾在天享福。亞孟。

向聖味增爵誦

請衆同禱。至尊天主。因爾無限聖善。復覓於爾僕聖
味增爵。傳教謙愛之中。以顯爾所愛聖子之志意。使
報福音於貧者。安慰苦難者。扶助煢煢無告者。光輝
聖教之品級。祈主隨爾聖意。垂顧彼大能之轉求。賜
我等脫今世可哀之罪污。倣效聖人之謙遜愛德。專
心事爾。脫樂爾心。爲吾主耶穌基利斯督我等主。其
偕爾。偕斯彼利多三多。惟一天主。乃生乃王世世。

亞孟。

向真福若翰嘉俾厄爾祝文

吾主耶穌基利斯督。爾賜爾致命者。真福若翰嘉俾
厄爾。於中國民內。以清潔無罪。及傳教苦勞。更以分
受爾十字架之苦。俾成奇顯者。求賜我等。效其信愛
善行之表。幸獲同伊共享天堂榮福。爲爾偕父及聖
神。惟一天主。乃生乃王世世。 亞孟。

求爲在教適亡誦

至仁至慈天主。生養救贖吾儕。咸欲爲得天上永福。

懇求憐視某

呼纔死者聖名

赦其在世時。凡有獲罪於主。或思

或言或行。命天神聖彌額爾。保護指引。於身後險路。使魔不至肆害。免墮地獄。獲升天堂。享主聖容。亦賜我將來同伊在天上。親主聖容。觀萬善萬樂之美好。

亞孟。

求爲在教已亡父母親友恩人誦

吾主天主。命我孝敬父母。汎愛衆人。圖報恩人。又教我追思已亡。代爲求主。我今念及父母親友恩人。去世之靈魂。在世事主。遵從聖教。我雖無德無功。獻主

臺前。求主洪慈裕容。赦我父母親友恩人煉罪。速賜升天。永遠享福。亞孟。

求爲凡諸信者靈魂誦

天主生人。欲人在世立功。膺主預備之真福。我今爲已亡煉獄衆靈。在世識奉真主。信從聖教。求主垂憫寬赦。免其苦難。命天神慶報出期。又賜我今世痛悔往罪。不敢再犯。脫身後永苦。偕諸信者。享見天主聖容。亞孟。

